



Broj: 04/1-34-0039/26 AKCRA
Sarajevo, 26.01.2026. godine

26-01-2026

Bosna i Hercegovina
Federacija Bosne i Hercegovine
Kanton Sarajevo
Skupština Kantona Sarajevo

n/r Arijana Memić i Elza Gaković, zastupnice u Skupštini Kantona Sarajevo

PREDMET: Odgovor na Zastupničku inicijativu, dostavlja se
(Veza: Vaš akt broj: 01-04-58637-3/25)

Poštovani,

Postupajući po Vašem dopisu broj: 01-04-58637-3/25 od 29.12.2025. godine, zaprimljen u našoj Ustanovi dana 05.01.2026. godine, kojim pokrećete inicijativu Vladi Kantona Sarajevo, Ministarstvu za rad, socijalnu politiku, raseljena lica i izbjeglice Kantona Sarajevo i JU „Služba za zapošljavanje Kantona Sarajevo“ Sarajevo (u daljem tekstu Služba) za uspostavljanje cjelogodišnjeg Programa Službe namijenjenog ženama žrtvama nasilja obavještavamo Vas o sljedećem:

Služba je tokom 2025. godine, u skladu sa važećim zakonskim i podzakonskim aktima, raspisala javni poziv kojim je bio predviđen program podrške navedenoj ciljnoj kategoriji. Međutim, u navedenom periodu nije zaprimljena nijedna aplikacija, odnosno nije bilo iskazanog interesa potencijalnih korisnika, usljed čega planirana sredstva nisu bila utrošena.

Zakonom o posredovanju u zapošljavanju i socijalnoj sigurnosti nezaposlenih osoba u Kantonu Sarajevo, članom 4. definisano je da Vlada Kantona utvrđuje godišnji Program mjera za podsticaj zapošljavanja i održavanja više stope zaposlenosti i poboljšanja strukture zaposlenosti u Kantonu Sarajevo (u daljem tekstu; Program) koje se u Kantonu poduzimaju u cilju provođenja pojedinačnih, konkretnih vidova podsticanja zapošljavanja, a isti utvrđuje Vlada Kantona na zajednički prijedlog Ministarstva za rad, socijalnu politiku, raseljena lica i izbjeglice, Ministarstva privrede i Kantonalne službe.

Služba u roku od 15 dana od dana utvrđivanja Programa mjera, objavljuje javne pozive za učestvovanje u realizaciji Programa mjera, najmanje u jednom dnevnom listu koji izlazi u Kantonu Sarajevo i na web stranici Službe.

Također napominjemo da ciljna kategorija osoba na koje se inicijativa odnosi nije isključena iz sistemske podrške, te da se iste mogu prijaviti na bilo koji od postojećih programa koje provodi Služba, ukoliko ispunjavaju propisane uslove i kriterije određenog programa.

Služba će, imajući u vidu zaprimljenu inicijativu, kao i dosadašnja iskustva u pogledu interesovanja korisnika, razmotriti mogućnost ponovnog planiranja i raspisivanja sličnog javnog poziva u toku 2026. godine u skladu sa važećim zakonskim propisima kao i utvrđenim procedurama.

S poštovanjem

DIREKTORICA

Amina Dzonlagić

Dostavljeno:

1. Naslovu
2. Evidenciji,
3. a/a

